

彭縣志卷之十一

更記門

太事志

周武王十三年周師伐殷彭及庸蜀羌髡微盧濮人從

愼王五年秦伐蜀殺蜀王於武陽王太子奔逢鄉死於白

鹿山

後漢建武十二年漢兵伐蜀臧宮自涪城進拔繁郛

建安十八年左將軍劉備襲蜀綿竹降分遣諸將降下郡

縣

蜀漢延熙十年涼州胡王白虎文治無戴等率衆降衛將
軍姜維迎逆安撫居之繁縣
十七年衛將軍維拔狄道河關臨洮三縣民入蜀居於縣
竹及繁

晉太安元年李特叛保廣漢益州刺史羅尙遣督護張龜
督四十牙門軍繁城三道攻特爲所敗二年春正月特
攻成都營少城尙出軍討特大破之追及於繁之官桑斬

特

唐太宗晉書謂特敗引趣新繁是以今名敘昔事
與李勢夜走九十里至晉壽葭萌城同一疏謬

及兄

輔李遠等

三月尙復遣督護張龜何冲左氾等軍繁城

竹降 秋七月朔李雄據郫城三蜀民流迸繁令常寬
隨民縣零陵以舉

梁天監三年益州民焦僧護聚衆數萬郫繁作亂刺史蕭
淵藻自將擊平之

唐僖宗光啟三年西川帥陳敬瑄召王建而拒之建寇西
川破鹿頭關拔漢州進軍學射山時感義節度楊晟襲據
文成茂諸州敬瑄用田令孜謀假晟威戎軍節度使守彭
州共拒建建旣敗敬瑄將勾惟立於蠶此遂攻彭州 文
德元年敬瑄遣眉州刺史山行章壁新繁救彭州 龍紀

元年建大破行章兵行章走屯濠陽晟懼徙屯三交會朝
使宣諭罷兵命韋昭度代敬瑄敬瑄不受代命昭度建顧
彥朗討之三年不能克 大順二年朝議召還昭度赦敬
瑄建不奉詔因急攻成都楊晟欲自彭州餉之建據新都
彭州道絕 八月丁丑建攻下成都田令孜降囚敬瑄新
津累表請誅不報 景福二年建陰令左右告敬瑄養死
士約楊晟等反斬之因討晟 新津人王先成爲建軍士
因王宗侃說建置招安寨立九隴行縣百姓反業 興元
帥楊守亮遣將符昭救晟徑趨成都營三學山建將華洪

拒郤之 乾甯元年晟假子寔以騎八千降建晟開門決
戰大敗遂約降建饋十羊晟懼不出建用先成策築龍尾
道屬女牆入斬晟竝殺安師建勾弇

宋乾德二年遣王全斌等伐蜀 四年正月孟昶降有詔
發蜀兵赴闕全斌吝其資給蜀軍憤怨行至縣州叛劫屬
邑衆至十餘萬獲交州刺史全師雄推爲王攻彭州刺史
王繼濤與都監李德榮拒之德榮戰死繼濤身被八創單
騎走成都師雄遂據彭州自號興蜀大王成都十餘縣皆
起兵應之數敗官兵自是邛蜀眉雅東川果遂渝合資簡

昌普嘉戎榮陟十七州並從賊郵傳不通未幾師雄病死
其黨旋平

太宗淳化四年夏五月青城民王小波聚眾爲亂十二月
都巡檢張玘與賊戰江原縣死之小波亦死眾推其黨李
順爲帥陷漢興彭州眾至數萬五年李順陷成都據其
城四出攻劫遣招宣使王繼恩等往討之五月至成都獲
順誅之成都平

眞宗咸平三年王均叛據成都彭州卒將應之陳從易
州事捕斬首謀嚴守備均旋伏誅

寶祐六年蒙古將紐璘侵蜀入成都

蒲澤之

楊大淵等守劍門及靈泉山自將兵取成都紐璘大破大

淵等於靈泉山進圍雲頂山

在金堂縣南五十里吳玠帥蜀所城爲利州治所

掘

其歸路城降於蒙古由是成都彭漢諸州悉陷

元至正十七年明王珍自峽以舟師襲重慶走元右丞完

大散者都執麻禿旋襲陷成都破嘉定於是諸郡縣相次來附

二十二年王珍僭位於重慶國號夏立五年卒子昇嗣

明洪武四年正月命征西將軍湯和以舟師趨重慶前將

軍傅友德以步騎由秦隴趨成都伐蜀昇降授爵歸義侯

冬十月和等悉定川蜀諸郡縣班師

崇禎十七年秋八月流賊張獻忠陷成都屠之尋畧彭縣
士民祝丕傳曾城隍等死之

大清順治二年蜀民共起殺偽守牧令判等官秋七月賊屠

成龍二屬州邑及邛州丹稜三年正月屠眉州三月

明參將楊展等恢復川南賊分道搜殺遺民盡墮州縣城

楊展旋大破賊於江口賊走川北冬十有二月

大清兵西征襲賊於西充之鳳凰山獻忠伏誅十年大兵平

蜀

康熙十二年癸丑逆藩吳三桂叛據雲南明年全
十九年庚申勇畧將軍趙良棟克成都諸州縣悉反正
咸豐十年九月滇逆藍大順等東竄虜縣民萬餘人彭什
汎劉陞高死之

十一年正月連封團匪踞西山爲亂圍縣城制軍崇遣兵
擊平之

初崇甯人朱爾玖以妖術技擊惑眾勾結崇郛二縣民
立私團曰連封黨與蔓延遂於咸豐七年十月燒竹瓦
舖爲亂不果大吏亦不問九年冬督憲曾因滇逆入

川訪察諸縣材桀賞給朱爾玖及彭縣附生周光謨監
生劉鑒章竝四品軍功頂戴縣民譚隆魁初入連封黨
隸白旗十年六月大憲調連封團眾禦賊崇慶州之元
通場郛縣衛伯林戰死譚隆魁始統白旗九月賊渡河
連封團眾挈老幼奔避彭縣之西山掠難民軍械殺無
辜遂生蟠踞志時新任余耄老鄉民數請黥團未出匪
黨益熾十一月邑紳周濂劉鑒章周光謨等於永定場
練同愾勇呂調陽胡洋等於麗春場立正義團易象劉
楨等於西山立通山團皆爲連封團備而通山多連封

黨且多匪類十一年正月官差捕劉興寘諸獄連封黨
懼遂反二十一日殺通山團總劉大經廖體嚴執劉楨
欲用之尋逸出與易象俱逃入牛圈溝二十四日胡洋
率正義團擊賊仙居里爲賊躡敗二十六日縣幕柴均
率練勇擊賊牛蹠橋遇害二十七日新繁汎江思山以
其兵勇遇賊縣北關外反走奔歸新繁賊遂焚徧北城
二十八日賊圍城索劉興予之守陴皆下衆情惶懼協
議調同愾勇入扞城劉鑒章周濂請令城中民各畫地
守分所統作游兵廵城竝守五街柵斷往來捕內應衆

志始定二十九日賊攻城城上一時開礮斃數十人賊

大驚潰初生員某忿擊賊無功走新繁謁程令祥棟陳

三路平賊策上之制軍及是黎統軍以二月初二日率

楚勇自新都至敗賊北關外遂營賽丹景初五日復敗

賊寂光寺縣州守唐奉檄率播勇至駐縣竹灌令英率

縣團至駐蒲村爲賊敗初八日黎軍以同愾勇敗賊於

壩口十二日唐軍聲言攻紅崖子返旆從高境關入直

搗河壩場賊巢劉楨易象輯流散應之十三日賊分路

南竄一趨崇甯一趨濠陽俱爲官軍擊敗譚隆魁率餘

黨竄鄆花園場署令李吉壽乘窮感招之諸譚縕殺

魁降戮其屍越五日候補直隸州恆泰搜獲朱爾玖王

崇甯殺之東路賊俱就撫

四月滇逆李長毛寇西山敗官兵 八月滇逆自緜州敗

竄團眾禦諸什郝敗績 十一月十九日官兵追破滇賊
於濛陽殺萬七千餘人

同治二年三月粵逆石達開黨東竄官兵追敗之牛蹠橋

祥異志

晉

蜀自太康至於太安頗怪異繁什邡郫江原生草高七八尺莖葉赤子青如牛角內史耿滕以爲朱草表美於成都

王

見華陽國志

前蜀

乾德元年七月廣聖節朔日鎮王彥徽於羅真人宮獲白

龜以獻

見錄異記

宋

開寶二年九隴縣民王達太平興國八年彭州民彭延瀉
化元年九隴縣民楊皋咸平二年濠陽縣民杜摯九隴縣

民楊太景德元年濛陽縣民郭琮四年九隴縣民白彥成
並牛生二犢

大中祥符七年十二月彭州天慶觀甘露降

明

嘉靖十九年夏六月大水自丹景山溢厯崇甯新繁新都

金堂漂沒廬舍沈溺甚衆

崇禎十七年正月白鹿山崩

國朝

乾隆四十五年庚子夏大水